


是齋百一選方


十三之六



			一	漢
			二	書
			三	門
			六	
			八	
冊	架	函	號	類
七				
八				

內閣文庫			
冊	架	函	號
五			八
八			五
五			三


內閣文庫			
番號	漢	12268	
冊數	5 (4)		
函號	305	42	





新刊續添是齋百一選方卷之十三

第二十一門



折傷

金瘡

湯火傷

破傷風

竹木刺

治打撲損筋傷骨折呂顯謨方

黃蘗

半夏

半斤

右為細末每用半兩生薑自然汁調如稀糊以我鷩翎掃傳用紙醫貼如乾再傳骨折先以絹帛封縛次用柴木扎定良久痛止即痒覺熱乃是血活筋骨復舊輕者三五日即愈重者不過旬月蘇韜光云功用全在生薑藥乾頻上薑汁為佳

治打撲傷損或又傷血不止及破傷風

海螵蛸即生烏賊骨不經鹽淹者為細末乾傳即止破傷風用魚膠燒灰存二三分性為末酒調服童子小便尤妙

救急療墜馬落車被打傷腕折臂呼叫不絕服此散呼喚之間不復大痛三日筋骨相連當歸散外臺秘要第二十九卷傳公實錢季毅皆曾合以救人

當歸炒令香

桂心

甘草炙

蜀椒去汗各三分

芎藭六分炒

附子炮去皮臍

澤蘭炒各兩

右為細末酒服二三錢日三服如小兒被奔車馬所損

裂其膝皮肉决見骨即絕死小蘇啼不可聽聞服之便睡十數日便行走其神驗如此忌海藻菘菜生葱猪肉冷水千金翼深師問出第六卷

治折傷見血傳公實之僕忽折足得之於一軍人遂愈槐花不以多少內一半炒令焦色煙出却將先者一半拌和勻入沙合子中同罨令冷碾為細末飯飲調下仍用極細者傳破處

治打撲傷損孫盈仲方糯米粥熱攤布帛上擣芭蕉根放粥上乘熱裏患處雖時下甚痛即便無事

治打撲傷損骨折此藥專接骨護國長老用仁傳

夜合樹俗謂之萌葛卽合歡也去麤皮取白皮剉碎

炒令黃微黑色肆兩 芥菜子炒一兩

右爲細末酒調臨夜服麤滓罨瘡上扎縛之神驗越州

人謂之烏顆樹

治閃肭著蕪干之運幹傳

米醋糟和平胃散罨患處

接骨散治打撲傷損折滾梁靈泉清隱寺僧傳

半兩古文錢不拘多少以鐵線貫之用鐵匣盛以炭火
煨通紅罨盛好酒米醋各半升鐵鈐開匣取古文錢於

酒醋中淬再煨再淬候甦落盡如酒醋少再添候古文

錢淬盡澄去酒醋以溫水淘洗如此三次淘洗數多尤

妙火毒不盡令人患啞既淨焙乾研極細入乳香沒藥

水蛭等分同爲細末每服半字或壹字生薑自然汁先

調藥次用溫酒浸平服若不傷折卽時嘔出若損折則

藥徑下纏繳如金絲如弓上之筋神驗初服忌酒三日

劉諒縣尉傳王丞相在東府時施一接骨藥云用半兩

錢極有效驗恐卽是此方也

又接骨散方

半兩古老錢用火煨醋內淬數過入沒藥乳香等分一

處研別以麝香少許每服一字用淡薑湯調服不拘時候

治一切墜壓擗撲傷損至重困者無名異小石塊子外黃中黑在處有大冶縣能山英州南山皆有取三五塊研細以生葱細剉入温酒中調藥服訖温酒半盞投之傷在頭去枕臥餘皆就所傷臥吳內翰初得此方姪女戶限上損腦痛呼試令服之痛立止又嘗一墜馬一失脚損腰至重服拾餘塊飲酒一二升其病皆愈後以救人無不效

又方飲小便或灌之或以酒和小便服蜀醫徐懋云屢起死一字散治一切打撲傷損筋傷骨折宗子趙叔恭名公黃以善鍾鐵著名其父宰岷縣日因與族人聚飲超化寺醉亡酒墜懸崖之下亟視之昏不醒人手臂已折昇歸得此二藥治之遂愈其後運鍾如故叔恭嘗知大寧監云韓希道知府傳

五靈脂研別 川烏頭去皮臍生用 沒藥別研

草烏頭去皮臍生用各四兩 地龍 乳香各半兩別研

麝香半錢別研 朱砂參分別研 白膠香一兩後肆味加減些不妨

右為細末每服一字温酒調下元如梧桐子大加減自少至多服之亦可若腰以上損食後服腰以下損食前

服覺麻為驗未麻加藥麻甚即減

又鸞膠散方

用黃狗頭一箇去毛以紙筋泥固濟用火燒候煙過取出放冷去泥為末先用糯米罨成軟飯看所患大小攤在紙上厚一指以狗頭末一分桂末二分煨了牡蠣末參分和勻搽在上乘稍熱裹貼了次用柴木板子夾縛如痒不得抓只用手輕輕拍五七日愈能散瘀血甚妙或只用鬘髮坐子裹亦可

治打撲損腫痛不止

生薑自然汁米醋牛皮膠同熬溶入馬屁敦末不以多

少攪勻如膏藥以紙花攤傳腫處痛即止以多傳為

妙紹興倅廳二人吏用之得効

治骨折

銅末調酒服之

夷堅志云長安石史君神授折傷方

當歸

洗淨焙為細末 鈆粉

各半 鵬砂

右同研令細濃煎蘇枋汁調服一大匕若損在腰以上

先食淡麪半盃然後服藥在腰以下即先服後食仍頻

頻呷蘇枋汁別作糯米粥入藥末拌和攤紙上或絹上

封裹傷處如骨碎則用竹木夾定以紙或衣物包之其

妙如神內翰之子梓為豫州倉官嘗以治一庾人婁度下黑血數升而安

治傷筋動骨打撲傷損明州陸駐泊

生硫黃

貳兩

官桂

二兩為末

生薑

約四兩許

麪

一合

右同拌和研碎帶濕罨在損處其熱如火外用帛縛定一日一次換晝夜貼六七日即愈硫黃桂能發散薑麪能和筋脉活血

治打撲傷損填姪云三兄在四明嘗因雪中擲損蹉手白骨以此傳之即不痛尋遂復舊

胡孫薑

不以多少生薑之半

右同搗爛以罨損處用片帛包乾即易之雖不能速效然終有驗也

又法治閃出白骨既搜入之後即以一色衝黃土以成蒲生薑不曾壁開者同搗成泥罨損處甚妙寧彥說

治打撲傷損福州長樂縣一盜囚被笞捶身無全膚以情告獄吏求買胡孫薑爛研取汁以酒煎或調服留滓以傳瘡不數日平復如故陳世德云

治搥損及抓破等

軟石膏

煨令通紅地上出火毒研細用半兩

輕粉

錢壹

右用清麻油調傳止痛不作痕

打撲搥傷損

右用石榴葉細研罨損處

又方治血聚皮不破者

蘿蔔葉研細罨以絹帛包縛

治刀傷斧斫

五倍子一味為末乾貼神效亦名小血竭

治金瘡中藏方

以紫藤香刮末碾細傳之即降真香也

又方一在後

以門扉後塵傳之

治刀瘡藥神妙

滑石四兩 黃丹一兩

右同細研乾摻

治刀斧傷至重但不透膜者蔡司理傳

海味中鹹白鰾揀大片色白而有紅絲

右成片攪開鋪在傷處以帛子扎之血自止

治金瘡

胡孫頭草黃花子如蒺藜骨錄者村人謂之草血竭以

其能止血故也用其子爛研或爛嚼傳傷處血立止

取箭鏃方淮西總管趙領衛名寓殿巖家之子云仇防禦

方張循王屢求不得因奏知德壽宣取以賜之有奇効
與楊氏方中用巴豆蜚螂者大率相似

天水牛一箇獨角者尤緊以小瓶盛之用硃砂一錢
細研水少許化開浸天水牛自然成水

右以藥水滴箭鏃傷處當自出也

治刀及傷

石灰不以多少端午日午時取百草擣汁濾過和作餅

子入韭菜汁尤妙陰乾遇有傷即以末摻之如腸潰出

桑白皮縫合罅之帛繫吳內翰父少保守南雄州有刀

傷人腸潰者以此藥治之全二人之命一方只用韭汁

和石灰亦端午日合

治金刃或打撲傷損血出不止

降真香末 五倍子末 銅末是削下鏡面上銅於
乳鉢內研細等分或

隨意加
減用之

右拌勻傳安豐手力歐朱嵩碎首用此而愈

治箭鏃入骨不可拔方

取巴豆半箇與蜚螂一枚同研塗所傷處斯須痛定瘡

微痒且忍之極痒不可忍即撼動箭鏃拔之立出夏候

鄆云初任潤州參軍得此方其箭鏃出以生肌膏傅之

兼療惡瘡鄆至洪州逆旅之人妻患背瘡呻吟用之即

愈楊氏方亦有箭出之後以黃連貫衆湯洗了用牛膽

製風化石灰傳

神仙刀箭藥妙不可言

桑葉陰乾為細末乾貼如無旋慰乾末之

刀箭藥千金不換方

臘月牛膽一箇穰風化石灰懸當風處候乾取用貼傷

處便可入水

治金瘡并治一切惡瘡桃紅散

上等號丹

軟石膏

不以多少
火煨通紅

右細研和令如桃花色摻傷處甚妙

紫雪治湯盪火燒痛不可忍或潰爛成惡瘡

松樹皮剥下陰乾為細末入輕粉少許生油調稀傳如

傳不住紗絹帛縛定即生痂神效不可言然宜預先合

下以備急自剥落而薄者尤妙

治湯火所傷

用生麻油調麪厚塗傷處

水調麪亦得

柳漆塗之更無癍痕

山栢子葉爛搗塗傳

用黑熟桑椹子以淨瓶收之久自成水以雞翎掃傳之

治湯火瘡雖膿水出皮肉潰爛者不過傳兩三次即安

蛇莓

本草音繆

右爛搗傳之以差為度錢文子佃客因遺漏燒灼遍身

皆潰偶一道人傳此用之既安更無癥痕本草不言治湯火傷

治湯火傷瘡膿爛痛不可忍者李莫安撫方

牛皮膠入少湯於火上溶稠狗毛剪碎以膠和毛攤軟帛封之直至痂脫不痛吳內翰家婢夜炊米釜翻傷腿膝以夜不敢白比曉已潰爛用此治之而愈

又方

黃瓦刮取細末濕者乾摻乾者麻油調塗

又方

蕩與若同音今作蕩乃大箭竹葉包盪者是也

蕩葉燒存性灰傳之煮酒瓶頭蕩尤妙

又方仍無癥痕孫盈仲所傳

雞子清塗之神效一方雞子殼燒灰麻油調傳之

又方薤白不拘多少爛研以鵝翎傳之更無癥痕

又方以臘茶傳之

又方之文姪傳

乾桑葉為細末乾者以蜜調塗濕者乾摻

又方王仲杞以乾甑算燒存性灰傳之

又方張德俊云頃年和倅餘杭人將赴官因蒸降真木犀香自開甑面什甑上為熱氣所薰面即浮腫口眼皆為之閉更數醫不能治最後一醫云古無此證請以意療

之於是取僧寺久用炊布燒灰存性隨傳隨消不半日而愈蓋以炊布受湯上氣多返用以出湯毒亦猶以鹽水取鹹味耳醫者之智亦可喜

又方鄭亨老以冷麪糊塗之舊爛者尤佳

又方用白瓷器末湯煮過碾極細以油調塗立效或用煉

銀甘鍋子擣為細末調塗之亦可

又方禹錫姪

葱白 砂糖

右二味相等爛研傳之痛立止仍無癢痕

又方高司法傳

韶粉四臈脂一斤用柳木槌於淨器中研下淨瓷器收之遇燒盪着傳上痛立止無癢痕

又方

初燒盪着只用醋糟滾之不痛即止倉卒中亦易得酸

醋澆洗尤妙更不腫痛

又方無名異研細末輕粉麻油調傳破者乾摻之

治湯盪火燒已潰膿出不已者

先以山梔子煎湯放溫洗淨滾乾以赤焦大油饒炭火

上燒存性灰研細傳之

又方

大黃為細末

右以米醋調傳或倉卒不能得末只於新淨甕瓦器上以醋磨傳亦可

治破傷風及金刃傷打撲傷損玉真散本事必用兩方皆有但人不知張叔潛知府云此方極奇居官不可闕子宰清流日以授直廳醫救欲死者數人奇甚

天南星 防風

右等分為細末破傷風以藥敷貼瘡口然後以溫酒調下一錢如牙關緊急角弓反張用藥二錢童子小便調下或因闐歐相打內有傷損以藥二錢溫酒調下打傷至死但心頭微溫以童子小便灌下二錢俟進三服天

南星為防風所製服之不麻

又張彌明知府家傳 御醫李子厚方

黃臈 壹塊熱酒化服立差

治緊急破傷風 神應元 華官使方

半夏 一兩

草烏頭 三兩

巴豆 一兩 去殼

右生用同為細末好棗四兩換水煮爛剝去皮同藥搗成劑元如蓮子大緊者無灰酒磨一元慢者半元吐涎或瀉勿疑輕者不須服更審量老幼歲數虛實加減之官使名光祖向任統制官嘗重傷服此得効治竹簽在脚腿或四肢皮膚內無緣可出韋光傳

白欖樹根槌碎細研酒浸平服滓罨患處即出神妙

治竹木針刺入肉

以象牙細屑傳之立出瘡即愈有人手中指為竹刺痛

甚傳之立効

治竹木刺富次律云出聖惠方曾用救一在僕極妙其人

脚心有一刺痛楚瀕死黄昏傳藥痛尤甚至四更視之刺

已出遂安

烏羊糞爛擣水和罨傷處厚傳之為佳

又方嚼白梅傳之其刺自出

又方

右爛嚼栗子黃傳之自出三方並出聖惠方第六十八

卷栗黃者尤効

又方陳正卿云焦濟卿說用鹹白魚鰾貼傷處然後服鰾

膠燒存性灰以酒調下

治竹木刺不出者孫盈仲傳郭都巡方同不用絹襯出即

拭之

爛研草麻以絹帛襯傷處然後傳藥時時看覷若覺刺

出即拔之恐藥太緊弄好肉努出也

治打撲傷損筋斷骨折接骨定疼黑神散華宮使傳續添

黃牛脛骨帶髓者

不以前後脚用炭火燒煙盡為度取出用米醋浸於地上盆覆令冷

真定器 炭火煨紅米醋淬十遍以甦為度

右二味各碾為細末以黃牛脛骨末七分定器末三分拌令勻如是撲損用好米醋調麪入藥末打如稠糊敷貼損處上用紙三重封貼如是骨折於紙上更用竹片封扎絹帛纏縛不得換動若初撲損先以熱酒調下二錢甚妙傷在腰上食前傷在腰下食後日進二服

又方如聖膏同

良薑 吳茱萸 金毛狗脊 去皮 木鼈子 去殼

白膠香 研別 敗龜殼 醋蘸炙黃 牛膝 當歸 各半兩

右為細末入麪同藥末酒熬成膏子敷貼用紙七重封

繫定筋骨自然相連七日一換酒麪皆不可多用以麪熟為度熬過恐失藥力

接骨忘拐元定痛如神同

乳香 研 沒藥 研 虎脛骨 酥炙黃 當歸

川椒 去目 敗龜殼 酒蘸炙黃 赤芍藥 雀李根 取皮

川窮 極大者 自然銅 醋淬

右各三錢為細末鎔黃臘約度多少同元如彈子大每服一粒用好酒一盞銀石器內煎以東南柳枝攪散帶熱服大段骨碎者服一粒些小閃肋服半粒

又方同

當歸

赤芍藥

川椒去目

敗龜殼

千金藤

骨碎補

川窮並生

乳香研

虎骨

慢火炮黃

沒藥研

自然銅

火煨通紅醋淬三次

右等分為細末煉好黃蠟元如彈子大每服一元筋傷

骨折用無灰酒半升入藥以東南柳枝攪勻同煎三五

沸空心熱服五十以上不過十服旬日如舊五十以下

不過五服真神仙秘方

治湯火傷

苦杖碾為細末清麻油調塗之瘡愈仍無癢痕

新刊續添是齋百一選方卷之十三

新刊續添是齋百一選方卷之十四

第二十二門

腸風痔漏 脫肛

治腸風下血 荆苳散

荆苳穗

縮砂仁

右等分為細末每服三大錢用糯米飲調下不拘時候

日進三服

治下血遠年不差 地榆湯

地榆

洗焙乾剉

卷栢

不去根淨洗

右等分每用一兩水一盃以砂瓶子煮數十沸通口服

不拘時候

治腸風葛丞相方

橡斗子不以多少用白梅肉以蜜拌和填在橡斗子內候滿兩箇相合鐵線扎定烈火煨存性為細末米飲調下

又方朱解元成言傳其兄子雲知丞與渠及陸子揖提刑皆服之數十年之疾更不復作

右淡豆豉不以多少研令極細入剝淨大蒜逐旋同研候可元為度元如梧桐子大遇發時絕早空心用陳米飲先下五十元午時再服一百元以病安而止可以水

絕根本無所忌廬州彭知錄大辯亦云此藥甚妙其方所用大蒜先蒸九次然後和藥仍以冷蘆水送下病止

即輟藥

治腸風昌原長老法一傳平江黃倅維則方同

鷹爪黃連吳茱萸等分新瓦上同炒候茱萸香熟黑色為度去茱萸不用將黃連為細末空心溫酒調下二三錢米飲亦得

又方張德明傳

胡孫薑不以多少燒存性碾為末米飲調下治臟毒下血久遠不差者鄒明父運鹽方

用大蒜一枚上面切開作蓋子每一瓣中插帶殼巴豆一粒却蓋了將濕紙三兩重裹文武灰火中煨令香熟去巴豆不用將蒜爛研和九節黃連細末得所為元如梧桐子大每服二十元米飲吞下空心服

又方

烏梅肉生乾地黄等分煉蜜元如梧桐子大每服五七元米飲下不拘時候

又方

用茶節葉燒成黑灰研羅極細入麝香少許空心糯米飲調下

又方

五倍子不以多少以鯽魚一枚約重四五兩者去腸胃鱗腮以藥置魚腹中入藏鉢以火煨微欲煙盡取出為細末溫酒調下

又方

黃連木香等分為細末臈茶同調下

治腸風親曾見一婦人服之立効

右蜜炙蘿蔔任意食之

治瀉血

百藥煎一兩

半兩煨成炭半兩生用研細

右合和軟飯元如桐子大每服三十元米飲送下

治下血如猪肝片煎四順飲子下駐車元僧保俊患此一服而愈

治下血久不差

地榆淨洗去須蘆

右搗羅為細末以糯米糊為元如小豆大每服三十元米飲下日進三服

治腸風張德俊監稅傳云是張魏公方香白芷為細末米飲調下

泊宅編云痔腸風臟毒一體病也極難得藥亦緣所以致

疾不同雖良藥若非對病固難一槩取効常人酒色飲食不節臟腑下血是謂風毒若釋子輩患此多因飲食久坐體氣不舒而得之乃臟毒也王渙之知舒州下血不止郡人朝議大夫陳宜父令隨四時取其方栢葉如春取東枝夏取南枝之類燒灰調二服而愈予得方後官贛上以治貳車吳令升亦即効提點司屬官陳逸太夫偶來問疾吳俸告以用陳公之方而安陳君感頌曰先人也仍須用側栢尤佳道場慧禪師曰若釋子恐難用此不若灼艾最妙平立量脊骨與臍平處椎上灸七壯或年深更於椎骨兩傍各一寸灸如上數無不除根者又予外兄劉向為嚴椽

予過之留飲訝其瘦瘠問之答曰去歲臟毒作凡半月自
分必死得一藥服之至今無苦問何藥不肯言再三扣始
云只這卓子上有之乃是乾柿燒灰飲下二服本草云白
柿治腸癖解熱毒消宿血後有病者宜以求之素問腸癖
為痔曾茂昭通判之子年十餘歲時嘗苦此凡治腸風藥
如地榆之類遍服無効因閱書見此方用之一服而愈是
乾柿燒灰者曾與余合肥同官親說云爾

治酒毒下血多至升斗者廬州郭醫云趙俊臣帥合肥日
其壻司馬機宜患此服四物湯每料加炒焦槐花二兩如
常法煎服必止久之不復作効於一同官處得此方遂安

積猪肚一枚洗淨入去鬚土了淨黃連四兩以酒醋各
二升半文武火煮候乾控出將猪肚并黃連一處研杵
極爛元如梧桐子大每服五十元米飲湯下
治下血漢陽章教授傳

蔥鬚新瓦上炒乾為細末每服三二錢米飲調下甚妙
治腸風久而下膿血日數十度者枳實三百元

枳實

槐花生用各半兩 皂角刺一兩半生用半燒存性

右同搗羅為細末煉蜜為元如梧桐子大約可得三百
元每服三十元食前米飲下酒亦得甚者一料即安刻
字人毛文傳

治腸風張尚書方

生乾地黄酒浸熟乾地黄酒浸五味子

右等分為細末煉蜜為元如梧桐子大每服五七十元酒或白湯下

又方梁路公云渠曾苦此疾五十四日更十七藥不効服此一服而愈云因心氣下血人可服

右用妙香散酒調下

又方石天民編修說濃煎黃連湯下連翹元或紅元子又方山棗俗呼為鼻涕團并肉核燒灰米飲調下王嗣康為蔡昭先處厚朴煎治積年下血韓縣尉名楚卿

傳云乃尊左藏服之作効

厚朴五兩用生薑五兩同搗開於銀石器內炒令紫色

大麥蘖神麴二味各一兩同炒紫色

右為細末白水麪糊為元如梧桐子大疾作空心米飲

下一百元平時三五十元嗣康云腸胃本無血緣氣虛

腸薄自榮衛滲入令用厚朴厚腸胃神麴麥蘖消酒食

白水導水血自不作也嗣康繼先之父

治五種腸風下血糞前有血名外痔糞後有血名內痔大腸名脫肛穀道四邊有努肉如乳頭名鼠妳痔有穴腸出血名漏並皆治之

黃牛角鯁一匙白蛇蛻一條

蝟皮一兩

猪牙皂角七錢穿山甲一片七

右並剉碎入砂瓶內以鹽泥封固候乾先少着火燒令煙出後用大火煨令通赤為度取出攤冷為末先以胡挑一箇分四分一分臨臥時細研如糊酒調下便睡先引出虫至五更時一服次日辰時一服並三錢藥末久患者不過三服即効

治酒毒便血經年不差者

椽斗子一兩槐花一兩二味白礬一分

右為細末每服二錢温酒調下

治腸風升甫姪曾服有效

魏桑葉燒存性

右每服二錢米飲調下更量虛實甚虛人恐動臟腑

治腸風張上舍傳名阜

煎婦人產藥黑神散調消風散甚妙

治酒毒腸風下血水軍王統領存

大田螺五個燒以殼白肉乾為度

右碾為細末只作一服熱酒調下

洗痔天寧義老

野苧根一斤椽斗子殼

右共擣碎用水一斗煮及七分乘熱以盆盛先薰患處候湯冷熱得所通手洗之冷則止藥汁可留煖用三五次甚妙

治外痔如神丹石散魏丞相方

黃丹 滑石

右等分為細末用新汲水調塗日三五上

治痔宋檢法博古傳出本草

蝟皮燒灰酒調傳之

又方謝表之路分傳

木槿花右不拘多少採時不得用手以竹筋就窠子摘

以細篾串眼在風頭令乾每用時以水煎沸數滾用盆盛先以氣噓候通手洗之甚妙

烏玉丹治腸風痔漏錢文子云傳子葵久病此任和卿傳方數服而愈

櫻櫚

亂頭髮

皂角水淨洗各二兩

雷丸

生用

芝麻

各一兩

苦練根

二兩

蝟皮

四兩

牛角腮

三兩制洗淨

乳香

研

麝香

各半兩

猪蹄甲後脚者

四十九个洗淨

右除乳麝外用藏瓶或砂合盛以鹽泥固濟周回用火煨煙盡存性不可太過便去火入乳麝再研細用酒打糊元如梧桐子大空心食前用胡桃酒下二三十元楊

氏方名搜欄元添不蛀皂角一兩半餘同浙東堤舉司
 局方加槐角四兩燒灰存性槿藤子一兩二錢半炒苦
 練根減一半牛角腮用四兩猪蹄甲只用二十五個麝
 只用二錢芝麻乳麝雷丸苦練根槿藤子不燒外餘藥
 各燒灰存性不用藏瓶每服五十粒京芥茶或温酒米
 飲任下其賣頗售

治痔雲川一醫家賣此藥甚神驗沈仁父司理傳

右赤雄鷄一隻用籠罩餓三日令腹空移就別處切精
 猪肉餵之收其糞入甘錫子煨通紅存性入腦麝少許
 蒼乾用生麻油輕粉調傅濕即乾搽蘓韜光家方用烏

雄鷄仍須眼足俱黑者又腦麝外更用乳香少許赤烏
 二色更當以問醫者

治痔

蓮子十四箇 草牙茶十四箇 乳香看上二藥多
少隨意入

右三味一處擣了以紙裏煨透先以黃連湯洗患處然
 後以藥生貼之蘓韜光傳于呂子厚右司云病此累年
 用之立効

余庚戌除夕痔作時守官合肥難得醫者取官局釣腸元
 一百二十粒分為二服熱酒併服之中夜腹間微痛下
 少結糞且起已安治證具載本方所以作効速者以服

多故爾

洗痔禹錫姪

右木鱉子百藥煎二味等分為麤末每服一掬布裏煎湯以桶盛之蓋上穴一竅先以藥氣薰蒸候通手洗之嘗有一婦人患痔已成漏瘡脫肛用此而愈

治外痔

蔥青內刮取涎對停入蜜調勻先以木鱉子煎湯薰洗然後傳藥其冷如冰唐仲舉云嘗有一吏人苦此渠族弟親合與之早飯前傳午後以榜子來謝拜於庭下疾已安矣

灸痔法鄭器先親曾得効

鳩尾骨尖少偃處卽是穴麥粒大艾炷灸七壯十四壯甚者止二十一壯瘡發卽安可除根本

治痔漢陽章教授傳

百藥煎碾為細末每服三錢煮稀白粥攪勻食之立愈糊元米飲湯下亦得

又方同

鴨脚草俗呼為耳環草又名碧蟬兒花用手拗軟納患處卽愈

又方合肥陳學諭行之說名應渠親取効

川山甲自尾根盡處數除三鱗不用取第四第五第六
 鱗橫三行燒存性為末用麝香少許臈茶一匙同調空
 心服以澄下濃却傳其瘡處其冷如冰即不痛無不取
 効

治腸風痔漏神丹錢總領館客輔漢卿傳名廣

刺蝟皮一箇制鐵器中炒焦黑為度 皂角刺半兩燒存性

硫黃研一 猪牙皂角半兩去黑皮塗蜜炙 白礬

枳殼剉碎炒 黃耆蜜炙赤 附子除去皮各半兩

白雞冠花子一兩

右為細末酒煮糊為元如梧桐子大每服七元至十元

空心食前溫酒下不飲酒用米飲送下久年漏痔服至
 三四十日肉滿平安諸痔服之即自消外痔用藥十元
 同朱砂細碾蜜調塗之常服永除根本若服藥覺熱加
 白雞冠花子一兩半或二兩更加三五元服之臟腑自
 調勻也

治脫肛禹錫姪

槐花 槐角

右二味等分炒香黃為細末用羊血蘸藥炙熱食之以
 酒送下或云以猪臙去皮蘸藥炙服

新刊續添是齋百一選方卷之十四

新刊續添是齋百一選方卷之十五

第二十三門

膀胱淋 赤白濁 小腸疝氣 下疳

遺泄 陰汗 陰瘡 奔狝

沈香元 治膀胱久冷滯氣兼壯元氣方

沈香 木香 舶上茴香微炒 烏藥

兔絲子酒浸三日 研如泥 金鈴子每箇剉為八片 逐箇入去殼巴豆三

粒麩炒熟去巴豆不用只 桃仁一兩銀器中炒 香去皮尖研

右七味為細末酒糊元如梧桐子大每服十元止十五

元空心温酒或鹽湯下初服三日覺小便多或下泄為

驗

治下部常服十精元

吳茱萸

茴香

台椒

三味同炒
焦黃色

破故紙

川練子

去核炒

陳皮

青皮

蒼朮

大川烏

用青鹽炒赤
色去皮尖

良薑

右十味各一兩同為細末酒糊為元每服二十元至三十元空心鹽湯溫酒任下婦人米醋湯下

奔氣湯大治氣上奔胃鬲迫塞及腹中冷濕腸鳴疝痛褚

日新傳

半夏

湯浸
七遍

吳茱萸

湯浸
過

桂心

各五兩

人參

甘草

各三兩
炙

右件為末每服三錢水一大盞薑五片煎至六分去滓

食前溫服

寸金丹治元陽虛弱寒氣攻衝膀胱小腸發腫作痛或在

心脇牽連小腹連屬陰間致身體增寒撮痛不可忍每服

兩元至三元空心食前溫酒吞下併進二服必効同

當歸

酒浸
一宿

楮實子

川練子

炒各一兩半

全蝎

四十箇
炒

巴豆

七箇炒熟
去皮殼

右五味為細末用浸當歸酒打麵糊和元如雞頭大空

心食前溫酒鹽湯下

固真丹治元臟久虛及小腸腎餘膀胱疝氣五般淋病精滑精漏小便白濁及婦人赤白帶下漏下血崩子宮血海虛冷等疾高司法方同用蒼木洗去土曝乾末泔浸逐日換春五日夏三日秋七日冬十日切作片子焙乾秤取一斤分作四處

蒼木四兩用茴香一兩鹽一兩同炒令木黃為度○蒼木四兩用川烏一兩炮裂去皮尖切作片子并川練子一兩和皮核劈開同炒令木黃為度○蒼木四兩用紅椒一兩去目并合口者破故紙一兩同炒令木黃為度○蒼木四兩用好醋好酒各半升一處同煮二三十沸

取木焙乾

右一處同為末用煮藥酒醋打麪糊為元如梧桐子大每服二十元男子温酒或鹽湯下空心食前婦人醋湯下此藥不忌性温無毒小便頻數為效

三炒丹治脾腎

吳茱萸一兩去枝梗洗淨以破故紙一兩慢火炒候香熟去破故紙 草果仁一兩以船上茴香一兩炒候香熟去茴香 葫蘆巴一兩以山茱萸一兩炒候香熟去山茱萸 右三味為細末酒煮麪糊元如梧桐子大每服六十元

鹽湯下

秘精元劉子壽家專貨此藥

靈砂飛水

龍骨火煨飛

縮砂仁

訶子

最小者熟灰畧

炮取出槌取肉各半兩

右為細末用糯米糊為元如菘豆大每服十五元至二

十元三十元早晨温酒下臨臥熟水下鄭府朱保養方

靈砂二兩陽起石一二火煨牡蠣雌雄各半兩火煨飛

縮砂仁一兩訶子肉一兩白茯苓半兩麥門冬去心二

錢半糯米飯元空心温酒下十元臨臥又以冷水下五

元要通喫葱茶半盞無陽起石以龍骨代之

十補元大治小腸寒疝膀胱伏梁奔豚疝氣等疾亦治婦

人育腸氣泗洲楊介吉老方

附子一兩用防風一兩剉如黑豆大鹽四兩黑豆一

合炒附子裂去諸藥只用附子去皮臍

葫蘆巴

木香

巴戟去心

川練子炮取肉

官桂

延胡索

萆澄茄去蒂

舶上茴香炒

破故紙炒已上九味各一兩

右為細末用糯米粉酒打糊為元如梧桐子大辰砂為衣每服三五十元空心酒下婦人醋湯下若入益智子亦得王元老云杜夷之苦此歲久張子公令就王繼先

醫三年百藥不効後得此方於張倅數服去根且去鈴不用却以此方獻繼先繼先亦有此疾服之遂安葛司理郵尊人倅金州日同官蘇主管傳得此方屢効後失其本每形于念余錄以歸之葛倅諱立柔於丞相為從叔云

治沙血淋

淡竹葉 甘草 灯心 棗子

烏豆

右不拘多少以水濃煎湯代熟水服甚妙

治血淋孫盈仲傳

以酸草煎五苓散酸草俗名醋啾啾爐火家謂之田字草

治血淋及五淋等疾韓安伯參議名元脩云渠尊人曾患此數日痛楚不可言因閱千金方用乳香石研細以米飲或麥門冬湯調下二服遂愈飢飽適中時服空心亦得乳香石乃乳香中揀出夾石者又方鄭媪云屢以治人甚効

淡竹葉 灯心 當歸去蘆 紅棗

竹猥綏 麥門冬羌根苗用 烏梅 甘草

木龍又名野葡萄藤

右等分或多或少亦不妨煎湯作熟水患此疾者多渴隨
意飲之

治小便出血

荊根煎湯飲之多煎頓服為上

又方李提點宗原方

右用多年煮酒包瓶頭翳葉惟福建過夏酒有之三五
年至十年者尤佳每七介作一服燒存性灰入麝香少
許研極細陳米飲煮濃湯調下空心臨臥服渠尊人御
幹患此甚久三服而愈

治小便白濁葛丞相傳

吳茱萸不以多少揀淨

右以大蘿蔔切下蓋子剉作罐子以茱萸填滿用水線
扎定飯甑上蒸以蘿蔔爛熟為度取出將茱萸焙乾為
細末却以爛蘿蔔和元如梧桐子大空心鹽湯米飲任
下三五十元

治疝氣腫硬方徐都丞叔至傳云是錢參政方

防風去蘆

牡丹皮去心

右等分為細末食前酒服方寸匕日三見千金瀨病門
亦見聖惠方治癩卵偏墜又一方加黃蘗桂心右二味
等分治氣上下腫脹

治小腸氣蔡邦度傳

香附子毛擦去

右為細末濃煎海藻酒或湯調下若以海藻為細末以熱酒同調尤妙甚者灌之

治疝氣小腸偏墜等疾已驗神効

先服五苓散用酒半盞燈心棗煎下青木香元二十元

次服煨薑鹽煎五積散候平復再服沈香華澄茄散太

學朱端嘗病疝氣親服神効後傳之數人無不驗者四

藥皆太醫局方

三茱元治小腸氣外腎腫疼唐仲舉苦腎癰服此藥得効

病自泄氣中出

山茱萸 吳茱萸 石茱萸各貳兩 黑牽牛炒熟

川練子一兩用斑猫拾四箇去翅背同炒赤色去斑猫 破故紙一兩七錢

炒香 青皮 青鹽 茴香各三兩微炒

右為細末醋煮麪糊元如梧桐子大每服三五十元先喫炒桃仁十五箇以温酒或鹽湯下藥空心食前炒茴

香酒下亦得

治小腸氣奪命散前峽州教授王執中既効方

玄胡索不以多少鹽炒過乾螻半之二味為細末每服半錢或一錢温酒調下此疾凡人多患京師有賣此藥

者其門如市苦心痛醋湯調下

一捻金散治奔豚小腸諸氣痛不可忍趙彭老知軍方詹

武子傳

玄胡索 川練子炒 舶上茴香炒 全蝎炒各一兩

附子半兩去皮 臍生用

右為細末每服二錢痛作時用熱酒調下甚者不過再服神効

治陰腎腫大凌醫云胡偉節傳曾以治人有効
荆芥穗不以多少新瓦上炒乾為細末每服二錢熱酒調下即散

治疝氣偏墜等疾灸法鄭亨老親曾得効

以淨草一條茅及麥稈尤妙度患人口兩角為一則摺斷如此參則摺成三角如△字樣以一角安臍中心兩角在臍之下兩傍尖盡處是穴若患在左即灸右在右即灸左兩邊俱患即兩穴皆灸艾炷如麥粒大灸十四壯或二十一壯即安也

治寒濕氣小腹疼外腎偏大腫痛軍頭司何押番傳與陳端遇發時只一兩服立定何云等子輩常服此藥故無下部之疾

茴香 柿楂子本草名糖棗

右二味等分為細末每服一錢或二錢鹽酒調空心熱服本草云糖越子唯滁州者入藥

淋瀝藥方一兩石菜萸

蛇床子一兩木通

藁本一兩陳橘皮各一兩

右為麤末每用連根蔥白七枚水三椀藥兩匙煎五七

沸先噓候通手淋洗

治小腸氣鄭判院擢方

右用曾經煨金銀甘鍋子搥碎碾了研令極細每服二

錢熱酒調下

又方至危殆者灌下藥即愈知省甘太尉云禁中方神効

趙撫幹傳

海水團用炭火燒存性灰熱酒調如無烏賊腸亦可

郭察院名德麟傳與葛丞相云十餘年前嘗苦疝氣灸之

而愈其法於左右足第二指下中節橫紋中各灸七壯

至三七壯止艾元不須大如麥粒而緊實為上大大恐

瘡難將息旬日半月間不可多步履仍不妨自服它藥

渠灸後至今不發葛甥子綱嘗依此灸之亦驗

七疝湯治男子七種疝氣攻疰小腸急痛牽搐不可忍

川烏頭一箇重參錢者炮去皮尖乾全蝎十四箇去毒炒

鹽參錢炒

右件以咀水一椀煎至七分盡去滓放溫只作一服空心食前

奪命丹治遠年日近小腸疝氣偏墜搐疼臍下撮痛以致悶亂及外腎腫硬日漸滋長陰間濕痒抓成瘡悉治之

吳茱萸一斤去枝梗四兩酒浸四兩醋浸四兩湯浸四兩童子小便浸各一宿同焙乾澤瀉二兩去灰土

右為細末酒煮麪糊為元如梧桐子大每服五十元空心食前鹽湯或酒下神妙不可具述馮仲柔云頃年某倉使家傳因令局中合賣紹熙壬子冬余親曾得效時

苦奔狝寒氣攻衝小腹引痛四日只一服臟腑微動痛若失去遂安一方名星斗元湯浸者用鹽水浸澤瀉用四兩切作麤片酒浸一宿

三茱元下五方漢陽洪筮判名价傳復州史君親服得効

山茱萸炒 石茱萸炒 吳茱萸炒 金鈴子炒去核

青皮炒去白 舶上茴香炒 馬蘭花 小兒胎髮燒存性

右各一兩為細末酒糊為元如梧桐子大每服三五十元用鹽酒下

木香散

木香 青皮 玄胡索 土茴香炒

馬撲兒新瓦上焙乾

右等分爲細末每服抄二錢空心温酒調服忌滯氣食物如豆腐雞鴨子濕麪蕪菜等病愈任意食無害

又方

桃仁三十粒炒細嚼熱酒吞下茴香元食前

又方

肥皂子獨腎者四十九箇

右燒過存性爲細末再研如粉用陳米飯爛研如膏子元如梧桐子大每服四十元茴香煎湯下六凡方治疝

又氣細末熱酒調下

又方

茱萸揀四兩 桃仁一百二十粒

右二味同炒香熟去茱萸不用止將桃仁去皮去蔥白

拾寸細剉沙盆內爛研銀銚內炒香熟用酒二盞浸作

一服熱喫有汗便解

治下疳瘡洗藥

甘草三十文 荆芥十文 淡竹葉一握 燈心五文

麥門冬草一握 小蘗一把約五七莖

右同剉爲麤散湯洗之

又方傳藥

麝香三十文研 白及半 坯子胭脂十文

軟石膏五文猛火煨過 黃蘗五文炙醋淬七遍

木鱉子二個去皮拔子割之炙醋淬七遍

右為細末如爛甚者入炒黃丹參幹耳子

又方

竹蛀屑少許 金花胭脂四個 海螵蛸一個 麝香三十文

石膏五文猛火煨過

又右為細末傳之

又方

玄胡索五文 輕粉五文 石膏五文同前法

枇杷葉四個淨洗去毛 活田螺二個燒灰以殼白為度并肉用

右為末傳之

治腫不下

冬青葉 小蘗 甘草

右等分煎湯以五升瓶盛湯浸三兩時必下

治爛甚出膿不淨者以活地龍二十條淨洗了用銚子盛

之以重紙裹開一竅夜間入患瘡處令地龍食膿盡明

日傳藥如覺痒不妨不可令患人知

治尿不出方

是齊白一選方

卷十五

十一

用白鹽 以濕紙裹燒成白花吹入之立効

治血出不止

右以熟艾裹之然後再以絹裹立定已上八方紹興一
小人王小八者以賣餅為業不知何處得此方治人甚
驗所得頗厚遂棄業行醫因賂其妻兄鄭二而得之
治下疳李毅傳

五倍子

甘草

滑石 各一錢

號丹 字一

右為細末先以甘草湯或漿水洗之傳藥
治結成腫實未潰小便不通者

葱不拘多少碎切入麻油內煎令黑色去葱不用只

收油趁微熱通手逐旋塗上自消

神仙固真丹葛丞相云上元縣尉劉處厚服之奇効專治
遺泄不禁之疾辛亥年以傳留丞相胡叅政

禹餘糧

石中黃

赤石脂

紫石英

石鷲子

五件各一兩炭火煨通紅
以米醋三升淬盡為度

龍骨 瓦上火煨

牡蠣 鹽泥固濟火煨令白各一兩

右同為末以白茯苓四兩人參二兩青鹽一兩為末入
無灰酒約度多少打糊拌和衆藥為元以朱砂為衣如
雞頭大每服二元止三元酒或鹽湯下食前空心臨臥
服

治遺泄平江譚醫云尋常只治心腎未有安者以素問仲景考之當治脾此藥屢効

厚朴去皮取肉畧使薑汁製為細末二兩 羊脛炭火煨過通紅取出窞殺別研如粉一兩

右二味白水麪糊為元如梧桐子大每服百元至三百元米湯下

治陰汗神妙

蜜陀僧好者研令極細如蚪粉撲使

治陰囊上生濕瘡黃水流注有妨行步倪尉傳

白礬不以多少礮為細末入冷水內洗瘡即愈

又方

五倍子 黃蘗 滑石 輕粉

右四味等分為細末貼之數次即愈

治陰瘡痒痛出黃水久不差者

臈茶 五倍子等分 膩粉少許

右同為細末先以漿水葱椒湯洗之頻傳

又方

銅錢壹佰文 烏梅七箇 鹽柒錢

右水一椀半煎至一椀熱洗二方相須用之無不即効

治陰瘡

胚子胭脂 真菜豆粉

右同研勻傳之

治奔豚氣褚日新傳謝景愚家方

訶梨勒 檳榔 各五箇 雞心者

右各將兩箇半炮過帶性餘兩箇半只生用並切作呖咀分四服用水二大盞入新紫蘓三十葉若陳者添十葉煎至八分通口遇發時半飢半飽服急時不拘時

茴香金鈴元 治奔豚氣馬夢山府判方

金鈴子 每箇剉作四片用彊蚕半兩去絲背同炒令香熟去彊蚕不用 茴香 微炒

馬蘭花 吳茱萸 湯洗七次 炒令香熟 石茱萸 酒浸 炒令

香熟 山茱萸 青皮 陳皮 已上各一兩

右件為細末酒糊元如梧桐子大每服三五十元温酒

鹽湯食前服

治奔豚氣葉道人二方

木饅頭 乾者四兩細剉先以皮入 鈹子炒次下子並炒黃色 茴香 二兩 炒

右為細末每服二錢空心酒調服

治奔豚氣

以酒醋各三分盞煎吳茱萸十餘粒候三兩沸用調平

胃散三錢空心服此藥親曾服果有功效但不能去根

養氣湯散寒氣亦治奔豚

茴香 炒 丁香 各半 兩 良薑 三兩 麻油炒 甘草 三錢 炙

白豆蔻仁錢四

右為細末每服二錢入鹽少許沸湯調下食前服

去鈴元一名資政元王吉老傳

杜茴香一斤以老生薑二斤取自然汁浸茴香一夜約薑汁盡入茴香內以好青鹽二兩同炒赤取出焙燥碾羅為末無灰酒煮糊為元如梧桐子大每日空心食前服三十元或五十元溫酒米飲任下此藥專實脾胃以其有青鹽引入下部遂大治小腸疝氣服之累有效尋常治疝氣藥多是踈導久而未有不為害者此藥用薑汁專一發散而無踈導之害此所以為妙也


三增茴香元治腎與膀胱俱虛為邪氣搏結遂成寒疝伏留不散臍腹撮痛陰核偏大膚囊擁腫重墜滋長有妨行步瘙痒不止時行黃水浸成瘡瘍或長性肉累治不痊致令腎經閉結陰陽不通外腎腫脹冷硬如石漸漸醜大皆由頓服熱藥內攻或因兜取以至如此此藥溫導陽氣漸退寒邪補虛消疝煖養腎經能使復元應小腸氣寒疝之疾久新病不過三料必有神功唐仲舉傳第一料

茴香船上者用海鹽半兩同炒 焦黃和鹽秤

川練子炮去核

沙參洗 剉 木香洗各 一兩

右為細末以水煮米粉稠糊為元如梧桐子大每服二



十元温酒或鹽湯下空心食前日進三服小病此一料可安才盡便可服第二料

第二料加下項藥

菓撥一兩 檳榔兩半

右入前件藥共六味重五兩半細末依前法糊元湯使元數服之若病大未愈便服第三料

第三料又加下項藥

白茯苓四兩緊小實者去黑皮 黑附子半兩炮去皮臍秤或加作一兩

右通前件藥共八味重拾兩並依前法糊元湯使元數服之加至三十元新久大病不過此三料可愈小腸氣

發頻及三十年者寒疝漸至拷撓大者皆可消散神効

透經散治下部諸疾夏宮醫一方

川練子二兩剉炒入巴豆二十粒吳茱萸一兩同炒焦赤色去巴豆茱萸

茴香微炒 沉香 胡椒 全蝎微炒各半兩

縮砂二兩連皮炒燥去皮用 木香一兩不見火 玄胡索二兩新瓦

炒上

右為細末每服二錢食前酒調服

消堅元

牡丹皮 桂心各二兩 川烏炮去皮 桃仁各一兩麩炒黃

去皮犬別研

右為細末酒糊為元如梧桐子大每服三十元温酒下
 川練子元凡一切下部之疾悉皆治之腫痛縮小雖多年
 服此永去根本

川練子

一斤淨肉○四兩用麩一合班猫四十九箇
 同炒麩黃色為度去麩班猫不用○四兩用
 麩一合巴豆四十九粒同炒麩黃色為度去
 麩巴豆不用○四兩用麩一合巴戟一兩同
 炒麩黃色為度去麩巴戟不用○四兩用鹽
 一兩茴香一兩同炒黃色為度去鹽茴香不
 用

木香

破故紙

炒香為度
各一兩

右為細末酒糊為元如梧桐子大每服五十元鹽湯下
 甚者日進三兩服空心食前服

治小便白濁金鎖丹華宮使方

續添

真山茱萸

紅肥者不以多少

右以大蘿蔔切下青蒂剉作瓮兒以茱萸實盛却用蒂
 盖竹丁劄定於飯內蒸蘿蔔軟爛為度取出不用蘿蔔
 以茱萸曬乾為末麩糊為元如梧桐子大每服三四十
 粒空心食前温酒鹽湯下

新刊續添是齋百一選方卷之十五

新刊續添是齋百一選方卷之十六

第二十四門

癰疽瘡腫 瘰癧 疥癬 頭瘡 漏瘡 瘤贅

軟癰 欽瘡口 驢涎馬汗入瘡 丁瘡

便毒 乳癰 見婦人 雜瘡 髭瘡 狐刺

治腦疽發背腎癰妳癰一切瘡腫等疾詹判院傳

鹿撲 在處人取其葉擣汁投溪潭中以醉魚

右臈中取根擣剉為呖咀每服三四大錢無灰酒一大
盃煎至七分盞去滓空心食前帶熱服忌蔥醬酒等煎
時不得犯銅鐵器病深者日進三四服並不用膏藥貼

無問男子婦人癰老幼小遠年近歲體虛氣實一切瘡
腫凡在身者種類殊異悉皆治之已潰膿自出未潰毒
自消不耗真元不動臟腑入少甘草石薺同煎尤佳
有娠婦人不可服

治癰癤任和卿方

牛皮膠以湯泡動攤紙上隨大小貼瘡上即安

治一切癰疽發背瘡腫治便毒最驗韓市舶寧道方此即
淮西趙參議所傳劉鵬察院萬金散東平陳彥哲有序多
不復錄如大便秘澀可服拔毒黃耆散

大甘草

半兩為
麤末

沒藥

一分
研

大瓜蒌

一箇去
皮切

右三物用無灰酒三升熬至一升放溫頓服之如一服
不盡分三服連進屢有神効

拔毒黃耆散

黃耆

大黃

酒浸
煨

羌活

去
蘆

甘草

炙

當歸

去
蘆

芍藥

白附子

炮

黃芩

杏仁

去
尖

連翹

已上
等分

右搗羅為細末每服先以黑豆半兩或二合水一大盃
煎至七分去黑豆入藥末三錢再煎至一盞食後一日
兩服候逐下惡物即止其貼瘡飲瘡藥隨宜用

治穀道前後所生癰謂之懸癰韶州醫人劉從周方林謙

之祭酒云用好粉甘草一兩四寸截斷以溪澗長流水一盃并河水不可用文武火慢慢蘸水炙約自早炙至午後炙水令盡不可急性擘甘草心覺水潤然後為透細剉却用無灰酒二小盃盪入上件甘草煎至一盃溫服之一二服便可保無虞此病初發如松子大漸如蓮子數十日後始覺赤腫如桃李即破若破則難治服此藥雖不能急消過二十餘日必消盡矣投兩服亦無害

林判院康朝嘗患此癰已破服此藥兩服瘡即合甚妙

治癰疽發背

湯壽資云光州有人患腎癰大小便皆秘甚以為苦本州胡判官令以明淨牛皮膠炭火上燒成黑灰研極細每服五錢以米飲調下服至二兩許方通所下皆穢惡物癰腫遂消不復出膿胡云凡瘡腫皆可服不拘多少以臟腑通利為度

治一切腫毒水調膏葉道人傳

小粉不以多少炒令焦黑研細先以米醋一大盞入搥碎皂角二挺煎袞數沸濾去皂角滓密收之逐旋調藥或攤紙花上傳之

治男子腎癰婦人乳癰一切赤腫焮毒服之自散周才傳

赤土壹皂子大

木鱉子七箇炮去皮

右同研令極勻分三服熱酒或米飲調下食後服不動
臟腑不過一劑即効

治發背初作取水蛭置腫上令飲血脹自落別換脹蛭以

新水養之即活吳內翰備急方云其姪祖仁一日忽覺

背瘡赤腫如盃大急用此治之至晚遂安

又方生甘草末酒調二錢七頻服王中奉遵服之得効

療腫毒癰疽未潰令消已潰令速愈

草烏頭為細末新水調雞羽掃腫處有瘡者先以膏藥

貼定勿令烏頭抹著瘡有人病瘡腫頗甚以此塗之坐

中便見皮皺稍稍而消初塗藥病人覺冷如冰瘡乃不

痛

治癰毒及癰疽發背初作時貼散立効唐錡王簿方

草烏頭皮去

秋後芙蓉葉陰乾

右等分為細末生薑自然汁調如膏傅瘡腫四面留一

小竅出毒氣乾則易之其冷如冰痛立止腫立散毒氣

盛者加天南星末等分

消毒散治一切腫毒及治腫而疼痛者滌醫魏全方

天南星

鬱金

木鱉子去殼

草烏頭

赤小豆

朴硝令研細旋入

右等分並生為細末如腫赤色用冷水調敷掃腫四畔

如不赤色用温淡醋調傳之

神仙靈寶膏

右瓜蒌五箇取子細研乳香五塊如棗子大亦細研以
白砂蜜一介同熬成膏每服二三錢温酒化下大治發
背諸惡瘡等日進二服無不立効昔嚴州士人一通判
忘其名母病發背祈禱備至夜夢呂真人服青衣告之
曰公極孝故來相告更遲一日不可療矣通判公急市
藥治服之卽愈楊和玉得此方家中使令凡百瘡腫等
患服之皆効遂合以施人無不驗者漏瘡惡核並皆治
之此卽鄭府朱保義所說神妙方

治癰疽發背疔腮等疾

赤小豆爲細末以新汲水調傳瘡及四傍赤腫處乾落
卽再傳

又方治背瘡

以不耕之地遇野人糞爲蟲鳥所殘處卽以杖去糞取
其下土篩以傳之卽如冰著背也

治發背癰疽

留丞相云只喫白煮蘿蔔不以多少以腫毒散爲度屢
以治人極有神効也

治癰疽結成腫核痛楚不可忍者夷堅庚志第八卷時康

祖事夢廣德張王神授方

右香附子去皮毛以生薑自然汁浸一宿為細末米飲調下二錢數服即瘡潰膿出腫亦漸消

水調膏治軟癰及一切腫毒 二在後

黃皮 白欬 甘草

右等分為細末井水和少蜜調貼之

三色膏治癰癤未成拔毒止痛消腫

蚌粉兩半 黃丹一分 草烏一兩生為末

右和勻水調塗乾即再上

治諸瘡癰已結未結赤腫者

大天南星一箇陳者為細末生麵與南星等分生薑自然汁調塗腫處熱腫者只以水調不用麪

治發背歸命膏

野生茄子熟黑者取子不拘多少爛研取汁以絹濾滓入大銀盃內慢火熬成稀膏以細青竹枝子去葉五七莖扎聚不住手攪候成稀麪糊收之用時不問陰陽二證發背或赤不赤有頭無頭或痒或痛皆可用之如無頭無異色或熱不熱一發從外漸漸傳入如有赤脉有頭先從赤脉傳之漸漸傳出一日上三四度不可輕易藥物至賤其效最貴重於萬金

治風毒癰瘡

車螯殼頰蘸米醋炙令赤色碾為細末温酒調下

水調膏一在前

天南星生為末白礬細研

右二味等分新汲水調塗乾即再上

又方

大天南星兩一

厚黃蘗兩半

赤小豆合

皂角壹挺不蛀者燒存性

右為末新汲水調成膏皮紙貼之已結即破未結即散

治久年癰瘡但未交合項者皆可服鄒明父方

鯽魚兩箇三寸大者開去腸肚不去鱗巴豆不拘多少

填魚腹內以滿為度麻皮纏定用煉熟黃泥裹了燉七

分乾用三二斤炭火煨過魚藥同研極細用陳米飲和

元菴豆大每服兩粒或三粒用陳米飲下日進二三服

加少許麝香在內同研尤妙

治癰子滁州丁府判牧仲方

大田螺壳殼肉燒存性灰破者乾貼未破者油調傳

治癰瘡王宣教名成傳

不蛀皂角子一百枚用米醋一升硃砂二錢同煮醋盡

炒令酥看所生癰子多寡若生一箇即每服一箇生十

箇卽每服十箇細嚼米飲湯下神効史氏小兒方亦有
但酒煮夜臥含化三粒名破癰丹博濟方用酒浸三日
文武火熬盡酒爲度每夜含化三粒

灸癰瘰法

以手仰置肩上微舉肘取之肘骨尖上是穴隨所患處
左卽灸左右卽灸右艾炷如小筋頭許三壯卽愈復作
卽再灸如前不過三次永絕根本光倅湯壽資項宰鐘
離有一小鬟病瘡已破傳此法於本州一曹官早灸晚
間膿水已乾凡兩灸遂無恙後屢以治人皆驗駱安之
妻患四五年瘡如田螺壓不退辰時着灸申後卽落

所感頗深凡三作三灸遂除根矣

治癰瘰崑山僧方

不蛀皂角不以多少每三十條作一束以穰攔裹之縛
定於溷缸內浸一月取出却於長流水內再浸一月死
水不能渲洗不可用去穰攔熬乾不得焙擣羅爲細末
皂角末一兩入麝香半錢全蝎七箇研細拌勻每服一
二錢溫酒或湯飲調下不過一兩卽愈

治癰瘰久不愈者立應散鄭府朱保義傳渠親得効

連翹

甘草灸

黃芩

赤芍藥

川當歸

滑石各半

地膽半兩去翅足頭以糯
米壹合同炒赤黃色

米去

白牽牛

土蜂窠一分蜜水洗飯上蒸

川烏尖二十箇生用

右件為細末每服一大錢濃煎木通湯調下臨睡服次
夜再一服有孕不得服或素來氣血虛弱者亦不可服
大忌毒物服藥次日毒隨小便下其色如血瘡已破者
先用雲母膏貼定然後服藥

治癬方

雄黃

一錢好者

川烏箇一

右二味為細末先用竹刀子刮破用醋調少許傳之
又方朱提幹傳

早蓮草葉不以多少候癬痒時手抓破碎擲葉擦之不
可悞食害人

治疥癩等瘡吳希深尚書方鄭亨老傳

硫黃白礬不以多少肥皂倍之羊蹄根又倍之同擣為
元浴時揩擦痒處微痛甚妙

白歛散治乾濕瘡癬延生或如錢成圈暈久不効者

天南星

一兩

蝎

錢一

大草烏

兩半

白礬

文五

右件擣羅為細末先以手於癬處抓動將藥摻貼每用
藥二錢許入燒蟹殼灰一錢合和生油好粉貼瘡
治疥倪尉方名震

大雅... 卷一六
九
硫黃不以多少火上用熨斗鎔成汁以荊花穗手碾碎
投之候乾放冷碾為細末每用藥以手扒破瘡擦藥在
上即愈仍不作硫黃氣

治癬如神方

以杏仁七粒去皮尖自嚼令爛於手心安少膩粉帶津
吐出急和膩粉擦之

疥藥錢太師方

硫黃

雄黃

地黃

剪草

蛇床子

白礬飛亦得

右等分為細末麻油一兩巴豆七箇同煎候巴豆焦去

不用油冷旋調藥擦

治癬久不差者甚驗

决明子為細末入少輕粉拌勻先以物擦癬令微破以
藥傳之

澧州王教授執中少患疥凡十五年遇冬則為瘡人教用
羊蹄菜根蛇床子根片切如錢米泔浸三二宿漉出入
生薑礬同研細裹以生布遇浴先擦洗良久以水澆三
四次用即除根後數年再生用前法亦愈

治瘡疥風疹親曾得効

野鴨白煮或煨作常食無時本草此物性冷而能解金

石毒故也

癬藥此方治久近癬極驗

豆豉半合

斑猫七箇頭翅脚全者

右二味一處慢火炒候微烟生為度擣為末遇欲用此藥即抓破癬上以蜜或砂糖水塗之良久乾摻藥末在上三二日必愈

治癬金山長老云嘗有人患七年一旦得此方兩傳而愈斑猫一箇去頭翅足以鍼割燈焰上燒米醋內淬如此三兩次就燒成存性黑灰研為細末用紅棗一枚湯泡剥去皮核與斑猫末一處同研爛先以手抓或生布擦

動癬然後搽上藥不可侵好肉恐有毒

治癬方

貫衆

吳茱萸

官桂

等分高下亦不妨

右同為細末先以手抓破以藥擦之或用米醋調傳亦得馮仲柔云親曾用只一兩傳而愈之奇甚

治疥逸老菴中光相寺僧傳

鹿梨根

擣取皮不以多少

生薑半之

白礬隨意用

吳茱萸

音多少入

右同於砂盆內入米醋爛研以淨器盛之候白醖生方可用遇浴時以代皂角不過一兩次即安若遍身生者

尤宜用之

治癬此方甚妙

羊蹄根同百藥煎一處搗爛傳之即愈

又方林伯敬傳

以飯甑內熟飯搗成團子擦之專治面上生者

治癩頭瘡

白礬

五文刀頭飛過

杏仁

五文去皮細研

大風油

五文省

右一處溶成膏子後入輕粉三十文調傳之

治一切惡瘡頭上瘡魏監務

平胃散入膩粉清油調傳之甚妙

治白癩頭瘡葉元方云以白炭不拘多少燒令通紅先用

盆盛百沸湯以熾炭投之却澆令淨將此灰湯候通手

洗瘡即愈

治小兒頭上熱瘡四姪之子年一歲餘滿頭膿瘡成片用

此藥兩三次作痂而愈

屋塵即烏龍尾也以麻油脚研令極細傳之雖痛不妨

治小兒頭瘡孫盈仲云屢見人用

煮熟雞子黃炒令油出以麻油膩粉調傳

治一切漏瘡惡瘡生肌止痛

人牙不以多少燒過用輕粉麝香少許和勻濕則乾摻

乾則用生油調傳

治漏瘡趙君猷撫幹云屢効

胭脂

血竭

輕粉各一錢

麝香半錢

右碾為細末乾傳

治脇下生漏瘡如牛眼之狀膿水不止葛邦美傳

先以鹽少許安白牛耳內然後取耳中垢以傳瘡上即

差如不用鹽即牛耳不痒難取垢

治漏瘡癩子

右以口含鹽水洗瘡口令淨次以鹽少許同新柎葉或

舊柎葉一處爛嚼貼瘡口如瘡口未合再依前法用神

効乾濕癩子皆可貼

治漏瘡

五味子

壹兩

青黛

臈茶

各半兩

麝香

隨意用

右為細末乾摻或用生油調傳入輕粉少許尤妙

繫瘤法兼去鼠妳痔集驗方真奇藥也

芫花根淨洗帶濕不得犯鐵器於木石器中擣取汁用

線一條浸半日或一宿以線繫瘤經宿即落如未落再

換線不過兩次自落後以龍骨并訶子末傳瘡口即合

依上法繫鼠妳痔累用得効繫瘤法蘇沈良方亦有用

蜘蛛者然費力不如此徑捷如無根只用花泡濃水浸

線亦得趙氏家姊嘗用以繫腰間一瘤不半日即落亦
不痛

治身上生贅肉彭知錄若訥云以海藻為末傳仍煎海藻酒
服之即去

治軟癰

建茶盞擣羅為細末油調傳之

又方六兄傳

枳殼大者一枚剝去穰令空地上磨令口平以稠麪糊

搽四唇露在癰上自破膿溜出盡更無癥痕

治軟癰屢安再作者文字客傳

桑螵蛸燒灰存性麻油調傳

又方用雀抱卵殼燒存性灰為末入輕粉少許麻油調傳

此物難得只以雞子抱退殼如上法用亦可

欽瘡口方

白及一錢

赤石脂一錢

當歸三錢

龍骨少許

右為細末乾搽

生瘡口桃紅散

龍骨半兩

白礬半兩

黃丹少許

右為末每用少許搽在瘡口上先用口含漿水洗淨搽
乾用藥貼之以差為度

治驢馬涎汗入瘡冬青散

右以冬瓜青皮陰乾為細末挑開瘡口傳之少頃即退
治丁瘡六兄

蒼耳子或葉或根不以多少爛研以米醋脚調塗腫立
散已去肉丁了再傳以差為度仍研汁服之尤妙

又方

蜚螂肉擣傳安後不可食羊肉本草蜚螂所忌
灸便毒法張德俊曾親取効云屢以灸他人皆驗
又以細草或軟篾一莖隨所患左右手量中指自手掌盡
處橫文量起通三節至指盡處為則不量指甲撚斷却

將此草於手腕橫紋量起引草向臂當中草盡處即是
穴麥粒大艾炷灸三壯腫散痛止即時而安

治生瘡因入湯成毒膿出或赤腫者蘇莖中傳

淡豆豉不以多少手內碾為膏子捏作餅傳貼之以片
帛裏定膿即止未有頭以用米醋調塗

治漆瘡以穀精草煎湯放溫洗立驗收稻了田間生矮根
株成叢如小鼓槌兒者是生薑汁擦亦得

治瘡藥

五倍子黃蘗為末傳之

治中寒露水入手瘡痛不可忍能殺人以鹽數合着瘡上

罨之火炙令熱氣透瘡又以蠟入竹管內插熱灰中令
蠟溶滴入瘡口立愈吳尚書家婢因浣夜手中水毒晝
夜叫喚用此効驗

治瘡方

白礬

靛丹飛

膠香各五文

乳香五文省

右同為末用麻油少許輕粉十文同調傳之

治惡瘡十全方

白欬

白及

黃柏

苦葫蘆蒂

赤小豆

黃蜀葵花

右等分為細末以津於手心內調如膏藥塗之只壹上

治一切惡瘡徧用藥不効者

陳米飯緊作團火煨存性麻油膩粉調傳蘇韜光丁亥
年耳上病碎瘡或痛或痒兩月餘百藥不効李倅子長
傳此初不之信試用之次日即愈辛丑年再作呂仲發
顯謨云此證蓋以痰飲之故只用肥皂燒存性生油膩
粉調傳用之尤佳

全

治一切惡瘡醫所不識者神効方趙通判傳名百中字德

水銀

甘草

黃蘗

黃連

松脂

膩粉

土蜂窠

著壁上者南方多有之或云蟻窠

可自
取用

右取水銀放掌中以唾殺為泥入甕器中以生麻油和
研生絹濾如稀錫和藥末再研如稠錫先以溫水洗瘡
帛拭乾塗之一切無名瘡塗一次即差有黃水者塗之
隨手便乾痒不堪忍者塗之立止痛甚者塗之立定治
疥尤佳抓破傳藥合時細心不可淺裂也

治多年惡瘡瘡口不乾者

採冬瓜葉陰乾瓦上焙碾極細貼瘡濕處三二次便乾

累効

治一切惡瘡已破膿血不止者

蝸牛并殼肉燒存性入輕粉少許調傳之

治瘡高司法方蔣簽判云極妙

江茶 大黃一分焙乾 小粉焙之炒令青黃色秤

右為細末乾者冷水調傳濕者乾摻

張定叟侍郎傳專治惡瘡癩癧神効

黃皮不以多少以童子小便浸春秋五日夏三日冬七
日焙乾為細末穿山甲不以多少火煨存性研細土牛
不以多少新瓦磚乾研細每黃皮末三錢穿山甲末土
牛末各一字輕粉半錢同研極勻細濕瘡乾摻乾瘡麻
油調塗之

治凍瘡張仲安傳名阜

黃蘗燒存性灰研細以雞子清調傳破者乾摻神妙

治惡瘡及一切腫毒癰疹或痒或疼

茄子花

黃蜀葵花

右二味各採來時用竹夾子夾不得犯手約度相等共

用磁瓶盛蜜包掛淨室中久而成膏每患處以竹篦子

挑傳神驗

治惡瘡妙用膏治項上有癭及漏瘡

真清麻油入古文錢三二十文久浸年深每用以鵝毛

掃患處

治暑傷肌膚瘡爛或因搔成瘡多是大暑汗出坐卧濕地

致肌膚多瘡爛汁出有一乳姥曰此易差也取乾壁土

揉細末傳之隨手即差

治久瘡用猪筒骨者見小兒門中

治惡瘡

雄黃飛

白礬飛

黃丹飛

白歛細末

右等分水調鵝毛掃紙花貼中留小竅出毒氣

治脛股間生瘡成片拆裂者六凡

巴豆

拾四粒

麻油

貳兩

右同煎巴豆焦黑為度去巴豆不用入黃蠟少許輕粉

三十文攪勻如面油擦瘡上
治髭瘡六兄

用耳中垢塞傳之立愈神效

治狐刺

土中饒磁片上色細白向陽日色所照者不以多少背陰者不可使不用底足指去土不須洗以黃泥作一窩子盛磁片在內復以黃泥固濟成團於竈內以木柴燒令通紅只須於飯鍋下燒候飯熟已通紅矣取出放淨地上候冷打開去泥將磁片刮令極淨擣或碾為細末然後再入乳鉢熬研如粉無聲乃止每用一耳指擦瘡

上卽愈凡狐刺多因手足間被物簽搗損因而成瘡痛不可忍甚至於墮指仍有二種雄狐刺只一箇瘡頭毋狐刺七箇瘡頭遂旋發出其瘡頭內黃水出不止向日視之瘡頭及四邊若有絲網其上瘡內亦如亂絲痛楚手不可近如其間有刺者是也用藥時先以口含溫鹽湯洗瘡以軟帛濃乾挑藥在瘡口內水卽乾而不痛一貼卽愈如毋狐刺卽以藥傳第一次所發瘡口卽安其餘瘡不須貼也滁州李直學名敏求家傳方云兵火中得之於一過軍後嘗施此藥所治已千百人矣研時須用饒鉢若使石槌鉢卽返被藥研下石末不可傳貼也

治狐刺湖州人謂之水刺越州人謂之水漢

趙君猷云取爐中炭灰乾罨在腫赤處上以好米醋澆

之二物多用不妨無力即易之赤退腫散立可見効

治丁瘡土鬼丹華宮使傳

續添

金頭蜈蚣

一條全者

銅綠

膽礬

各一錢

烏魚骨

二錢

麝香

一字

右為細末用針豚音篤蘸油搗藥在上若瘡不破灸破用

藥

新刊續添是齋百一選方卷之十六

